

Vakcina Protiv Hemofilus Gripe (Hib) Tip B

ŠTA TREBA DA ZNATE

1 Šta je hemofilus gripa (Hib)?


Hemofilus gripa (Hib) tip B (*Haemophilus influenzae* type b) je teška bolest uzrokovana bakterijama. Obično napada djecu mlađu od 5 godina.

Vaše se dijete može razboljeti od hemofilus gripe ako je u dodiru sa drugom djecom ili odraslima koji mogu nositi bakteriju a da i ne znaju. Klica se prenosi sa osobe na osobu. Ako klice ostanu u djetetovom nosu ili grlu, dijete se vjerovatno neće razboljeti. Ali, klice se ponekada prošire u pluća i krvotok, a u tom slučaju hemofilus gripa može prouzrokovati teške probleme.

Prije nego što je pronađena vakcina, hemofilus gripa je u SAD među djecom mlađom od pet godina bila vodeći uzročnik bakterijskog meningitisa. Meningitis je upala mozga i ovoja kičmene moždine koja može dovesti do trajnog oštećenja mozga i gluhoće. Hemofilus gripa takođe može uzrokovati:

- upalu pluća
- teško oticanje grla, tako da je teško disati
- upala u krvi, zglobovima, kostima i ovojnice srca
- smrti

Prije vakcine protiv hemofilus gripe, u SAD je svake godine oko 20.000 djece mlađe od pet godina obolijevalo od teških poblika ove bolesti, a oko 1.000 ljudi je umiralo.



Vakcina protiv hemofilus gripe može spriječiti obolijevanje od ove bolesti. Ako bismo prestali sa vakcinacijom, mnogo više djece bi se razbolijevalo od ove bolesti.

2 Ko i kada treba da primi vakcinu protiv hemofilus gripe?

Djeca treba da prime vakcinu protiv hemofilus gripe u dobi od:

- ✓ 2 mjeseca
- ✓ 4 mjeseca
- ✓ 6 mjeseci*
- ✓ 12-15 mjeseci

*Zavisno od toga koja marka (proizvođač) vakcine protiv hemofilus gripe (Hib) je korištena, vaše dijete možda neće trebati da primi vakcinu kada je staro 6 mjeseci. Vaš doktor ili medicinska sestra će vam reći da li je ova doza potrebna.

Ako propuste jednu dozu vakcine ili je dijete ne primi na vrijeme, po rasporedu, propuštenu dozu treba primiti što je moguće prije. Nije potrebno da vakcinisanje počne ispočetka.

Vakcina protiv hemofilus gripe može biti primljena u isto vrijeme kada i druge vakcine.

Starija djeca i odrasli

Djeca starija od pet godina obično ne trebaju vakcinu protiv hemofilus gripe. Ali, neka od starije djeca ili odrasli sa specijalnim zdravstvenim problemima trebalo bi da prime ovu vakcinu, ako imaju određenu vrstu anemije, HIV/AIDS, izvađenu slezenu, presađenu koštanu srž, ili liječenje raka lijekovima.

3 Neke osobe ne treba da prime vakcinu protiv hemofilus gripe ili treba da čekaju

- Osobe koje su imale po život opasnu alergijsku reakciju na prethodnu dozu vakcine protiv hemofilus gripe ne treba da prime još jednu dozu.
- Djeca mlađa od šest sedmica, ne treba da prime vakcinu protiv hemofilus gripe.
- Osobe koje su umjereno ili teško bolesne u vrijeme kada bi trebalo da prime vakcinu protiv hemofilus gripe, obično čekaju da se oporave, prije nego što prime vakcinu protiv hemofilus gripe.

Pitajte svog doktora ili medicinsku sestru za detaljnija objašnjenja.

4

Kakva je opasnost od vakcine protiv hemofilus gripe?

Vakcina, kao bilo koji lijek, može prouzrokovati ozbiljne probleme, kao na primjer tešku alergijsku reakciju. Vrlo je mala opasnost da vakcina protiv hemofilus gripe prouzrokuje ozbiljne posljedice ili smrt.

Većina osoba koje prime vakcinu protiv hemofilus gripe nemaju nikakvih problema.

Lakši problemi

- Crvenilo, toplota ili nateklost mjesta gdje je data injekcija (do 1/4 djece)
- Visoka temperatura preko 101° F (38° C) (do 1 od 20 djece)

Ako se ovi problemi jave, obično nastupaju istog dana kada je vakcinacija obavljena. Mogu trajati 2-3 dana.

**5**

Šta raditi ako se jave umjerene ili teške reakcije?

Na šta da pazim?

Treba paziti na bilo kakvo neobično stanje, kao što su visoka temperatura ili promjene u ponašanju. Znakovi teške alergične reakcije mogu biti teško disanje, promuklost ili pištanje u prsima, crvene fleke na koži, blijedilo, slabost, lupanje srca i vrtoglavica, mogu se javiti nekoliko minuta ili nekoliko sati poslije primanja injekcije.

Šta da radim?

- Zovite doktora, ili smjesta vodite osobu doktoru.
- Recite doktoru šta se dogodilo, datum i vrijeme kada je reakcija počela i kada je vakcina primljena.
- Tražite od doktora, medicinske sestre ili zdravstvene službe da podnesu prijavu VAERS - Vaccine Adverse Event Reporting System (Sistem za prijave nepodnošenja vakcine) ili vi zovite VAERS na **1-800-822-7967**.

6

Federalni program za naknadu štete od vakcinacije

Za rijetke slučajeve, ako vi ili vaše dijete imate tešku reakciju na vakcinu, postoji federalni program koji pomaže da se plati njega onih koji trpe teške posljedice od vakcinacije.

Za detaljnija obavještenja o Federalnom programu za naknadu štete nastale od vakcinacije (The National Vaccine Injury Compensation Program) zovite **1-800- 338-2382** ili posjetiti vebsajt na <http://www.hrsa.gov/bhpr/vicp/>

7

Kako mogu više saznati?

- Pitajte svog doktora ili medicinsku sestru. Oni vam mogu dati brošure o vakcinama ili vas uputiti na druge izvore informacija.
- Zovite vašu lokalnu ili državnu službu za zaštitu zdravlja.
- Zovite Centar za prevenciju i kontrolu bolesti - CDC (Centers for Disease Control and Prevention):
 - Call 1-800-232-4636 (1-800-CDC-INFO)
 - Posjetite vebsajt Nacionalnog programa za imunizaciju (National Immunization Program) na <http://www.cdc.gov/nip>



U.S. DEPARTMENT OF HEALTH & HUMAN SERVICES
Centers for Disease Control and Prevention
National Immunization Program